

Edizione diplomatico-interpretativa

	I
Contre le tens qui de uise; yuer et pluie deste. et la mauuiz se deluise; qui de lond tens na chante. ferai cha(n) con car agre me uient que iai en pense. amors qui en moi sest mise. bien ma droit son dart gete.	Contre le tens qui devise yver et pluie d'esté, et la mauvix se deluise, qui de lond tens n'a chanté, ferai chançon car a gré me vient que j'ai enpensé. Amors qui en moi s'est mise, bien m'a droit son dart geté.
	II
Douce dame de franchise; nai ie point en uous trouue. sele ne si est puis mise; que ie ne uous esgarde. trop auez uers moi fierte. me(s) ce fet uostre biaute. ou il na point de deuise tant en i a grant plente.	Douce dame, de franchise n'ai je point en vous trouvé, s'ele ne si est puis mise que je ne vous esgardé. Trop avez vers moi fierté, mes ce fet vostre biauté, ou il n'a point de devise, tant en i a grant plenté.
	III
En moi na pas astenance; que ie puisse aillors penser. fors qua li en connaissance; ne merci ni pui(s) trouuer. bien fui fez por li a mer. car ne men puis saoler; et quant plus aurai cheance; plus la me couuient douter.	En moi n'a pas astendance que je puisse aillors penser, fors qu'a li, en connaissance ne merci n'i puis trouver. Bien fui fez por li amer, car ne m'en puis saoler, et quant plus avrai cheance, plus la me couvient douter.
	IV
Dune rien sui en douta(n)ce; que ie ne puis plus celer. q(ue)n li nait (un) pou denfance; ce me fet desconforter. car se(n) moi a bon penser. ne lose ele demos trer. se feist qua sa senblance le poisse deuiner.	D'une rien sui en doutance que je ne puis plus celer: qu'en li n'ait un pou d'enfance. Ce me fet desconforter car, s'en moi a bon penser, ne l'ose ele demostrer. Se feist qu'a sa senblance le poisse deviner!

	V
<p>Des que ie li fis priere et la pris a esgarder; me fist amors la lumiere des euz par le cuer entrer. cist co(n) duis me fet greuer. dont ie ne me soi garder. nil ne puet tor ner arriere li cuers melz uou droit creuer.</p>	<p>Dés que je li fis priere et la pris a esgarder, me fist Amors la lumiere des euz par le cuer entrer. Cist conduis me fet grever, dont je ne me soi garder, n?il ne puet torner arriere; li cuers melz voudroit crever.</p>
	VI
<p>Dame a uous mestuet clamer et que m(er)ci uous requiere. dex mi dont merci trouuer.</p>	<p>Dame, a vous m?estuet clamer, et que merci vous requiere. Dex m?i dont merci trouver!</p>

- letto 131 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropaea.let.uniroma1.it/?q=laboratorio/edizione-diplomatico-interpretativa-2210>